

Ҳиндистонда 400 йиллик масжид қаровсиз қолган



18:05 / 18.02.2021 1494

Ҳиндистоннинг Ҳайдаробод шаҳрида жойлашган «Шикпет» масжиди Қутубшоҳийлар сулоласи даврида қурилган бўлиб, Ислом меъморчилигининг муҳим ва тарихий обидаларидан ҳисобланади. Ушбу масжид ҳозирда қаровсиз қолдирилганлиги сабабли бузилиб кетмоқда. Бу ҳақда New Indian Express хабар беради.

Ҳайдаробод археология бўлими ушбу масжид олдида турган бўлиб, унинг атрофида кўк ранг тасвирли расмлар ва музейлар жойлашган. Ушбу расм тарихий масжиднинг ҳолатини тўлиқ аллегорисидир. Масжид деярли тўрт аср илгари қурилган ва у Андра-Прадеш штати қонунларига биноан қўриқланадиган ёдгорлик рўйхатига киритилган бўлса-да, унча катта эътиборга эга бўлмаган.

Қутубшоҳий давридаги ушбу иншоот Ҳайдарободдаги Чарманар масжидига ҳам ўхшайди. Ҳозирда масжид ҳолати ачинарли бўлиб, унинг ёриқ деворлари орасидан бегона ўтлар ўсиб ётибди. Масжиднинг асосий кириш темир эшиги занглаган ва ёпиқ ҳолатда. У ҳам етмагандек олдида ахлат йиғиладиган жой ҳам бор.

Маҳаллий аҳоли ушбу масжиднинг қайси вақтда қурилганлигини аниқ билмайди, бироқ ўтган йилги ёмғир тўфайли вазият янада оғирлашганини айтмоқда.

Тарихчиларнинг фикрига кўра, ушбу масжид дизайн жиҳатидан Карван туманидаги «Толи улкан» масжиди кўринишида қурилган.

Бир пайтлар юзлаб намозхонлар ибодат қиладиган масжид муҳофаза қилинадиган мерос объекти бўлган. Шунга қарамай, ҳозирда вайронага айланган ва расмийлар томонидан бепарволик қилинган.

Хуршид Маъруф тайёрлади